

圖書館藏書印

480350

鍾台遺集

王祖柱署檢

437.1

G017

中華民國十八年一月四版

鍾台先生文集

平裝三冊定價大洋一元八角

版權

所有

著者 田一儁

印行者 新田書社

福建大田縣城內

經售處

文福州鼓樓前明書局

鍾台先生文集卷之九

劍南田一僞德萬父著

萬安門人郭惟清校

書

上執政論士習書

竊聞作室者厚其棟制醫者先其脉作室而不厚其棟雖崇臺百仞易圯也制醫而不先其脉雖軀軀幹豐大易弱也相天下者何以異也經營之也猶作室扶理之也猶制醫而正士習一節則相天下之棟梁命脈也使士習而誠正也雖天下未就理吾不謂之危矣何也彼固足以維之也使士習而誠頗也雖天下皆寧謐吾不謂之安矣何也彼固足以釁之也今士習之在天下相公以爲正也頗耶趨趨囁囁者以謹愿見稱而言涉剛方則動有乖迕之議首鼠模稜者

以和厚見容而事涉慷慨則輒有喜功生事之謗以之劇論世故則不足而高談虛空則有餘以之營辦國是則不足而封殖家務則有餘以之折衝禦侮則不足而請求倖進則有餘士習如此此固公輸之憂其將壓越人之所主而走焉者也相公以爲然也否耶日者相公亦嘗有意於是矣夫懸牛首於門而欲人之買馬肉不可得也立曲木爲臬而求影之無枉不可得也今有人行千里之途者力竭而色饑群就蕉葦榛莽之中以求食矣有人持壺漿出而號之曰彼非正途也不如由此途不枉且可以得食也則其趨之也必倍矣又有父兄出而號之則其趨之也必百倍矣何也壺漿其資而父兄其親而信之者也今相公之足以親信人也猶父兄而又有榮辱予奪之權其能資賴人也猶壺漿誠一出而號之天下士不至於背戾之甚者必不忍離父兄棄壺漿而甘心冥行於蕉葦榛莽之中也故愚願相公之亟號之也夫今士習之弊有三一失之弱一失之躁一失之鄙弱者可以氣鼓之躁者可以靜鎮之鄙者可以耻格之

誠寬任怨之條則首事者無憚心矣伸慝直之節則抗論者無縮志矣如是而弱有不振者未之有也恬退者雖賤必伸則衡門有真隱矣奔競者雖勢必抑則相門無足迹矣如是而躁有不靖者未之有也貪墨者鋤之必嚴則錢神之徒無所容其奸象恭者拒之必力則孔壬之輩無所飾其詐如是而鄙有不格者未之有也然必毋以科目限其進毋以浮僞溷其真毋以小瑕遺其長毋以資格緩其使部薦其監監薦其守守令各薦其屬嚴其進覈其退而士習庶乎可正矣愚又聞之合抱之才生於豫章遲之以歲月然後可以棟明堂樑清廟而共大廈之用何者植之者豫也千里之駒產於中野正之以衡軔然後可以追迅風逐疾電而勝歷塊之用何者教之者素也今天下士朝宁之所顯庸者皆昔庠序之所教習者也而學校不聞敷教之具師儒不聞淬勵之典郡縣之所責成者月書季考焉耳憲臣之所專督者考課文藝焉耳貢舉之所登進者糊名易書焉耳此外未嘗有一道德之意仁義之具而古之先明試而後敷奏

先德行而後文藝則士惟有尋章摘句以倖一第之榮及其既第而平生事業畢在是矣又何怪其爲弱爲躁爲鄙而甘心於波流風靡之中也嗟夫今天下之所急者兵與食焉耳司計曹者日以握算爲務典本兵者日以校閱爲勞而愚乃惓惓於正士習爲言似乎談揖讓於燎眉濡髮之日無益於當世之務而祇見其迂且拙也然愚生不識大體竊窺天下之勢莫急於此此焉旣正雖兵弱食耗可徐理也不此之務而日復一日以底于偷薄之歸則萬一有桑孔典籌韓白登壇而朝廷之經營始大矣用是敢忘其愚輒進狂言惟留神省察不勝大願

答楊卿丈

建昌素稱嘉山水且爲政風流前猷未遠翁文章政事卓有古人之風褰帷之暇一觴一咏自足以掩前徽獨來茲而高揖康樂溟然弟之此自大雅謙抑之量非實爾也下車來計不盈數月所乃盛德不遐遺念及鄙人甚厚如生者第

神往耳音且不可得致它勿問也愧謝愧謝

答趙寧翁

一僞蓋丘壑之潛踪而迂疎之末品也晏然飲食讀誦誰非明恩明公猶時時拊而存之曰草澤中有一書生焉似稍足當吾禮者恩施卓然不知殊遇之加於常材也愧謝愧謝恭惟明公德澤至宏顯而念周細微鑒照極高明而詢逮卑暗先民之廣益大臣之有容方之於今未能或先僞竊忻忻然爲四海蒼生慶之矣敝邑人民田賦本不當甲縣之一聚加新牧茲土者釐革方始僞無由更借箸爲鄉土忠計而手教惓惓敢以舊時書生之見陳吐於前然深自知無裨於化條之萬一也惟台慈鑒而宥之

答楊齋長兄

每誦馬少游平生之言仲長統樂志之論意甚慕之迺今吾兄自眎以爲何如也謝軼掌獨淫之勞就田園信美之樂此何異倦而得憩濯敲蒸以清風也於

馬生願大足而仲公樂不可支矣殊羨殊羨

柬陸公祖

鄉者翁去閩幾五載乃生民沐浴而誦詠之者猶一日也深山鰥者旦夕覲節鉞率事所天而辱明德撫臨茲土也則人所誦舞固有從之者哉往事臬憲有聲者輒得佩中丞印鎮撫所部吏民而近世不以它所遷擢大吏妨賢者治翁之命也日可竢也以閩民素所禱祠而求者而閑竟得私之何幸何幸僞樸拙亡短長足稱述乃蒙大雅記存敢不銘刻時下甚炎伏惟倍加葆蓄以膺殊眷不宣

柬俞成南

令先公名德僕弗具論庚申辛酉之年流賊搏我城下盖邑中人惴惴恐矣令先公擗然登埤竟以伏弩射殺豪酋全十百千生靈之命此其功人人歌舞之也自令先公捐館舍邑人無少長仰天祝曰天庶幾哉報俞伯子乎而伯子

竟蚤天報施善人信耶否耶聞伯子今有子而執事以青年睿質志亢其宗令先公未竟之業未食之報盡在執事矣執事勉之必復其始竊以天道必之也數歲殊不聞問去冬獲手書訪舊悲感山陽之淚不待聞笛聲而始下也有便先此附問餘不能盡

柬蔡肖兼

弟不佞三入東觀似馬融十年不調似張釋頃緣大庇叨轉舊京自揣甚庸弗共是懼而後會未卜衷歎益增矣老丈由南宮之郡飾吏治以文渤海之聲久聞潁川之召且至槐棘倚以爲重桑梓藉之生光顒喜顒仰茲有瀆者貴治管子萬里敝邑父母升野公之子敝郡舊公祖慕雲公之姪也昔在敝邑見武子雅知於王渾及入帝城聞謝立獨重於安石自愧非茂生之識二陸竊願覩吳公之拔賈生蓋公楚人僕亦楚人故敢效一言之薦而知國士報以國士端可爲它日之徵諸多率易惟丈鑒之曩歲弟過貴治之日偶與行部會此心悵悵

滿載而南矣及過家北來又以王程相迫從陸道而趨也竟不得履堂階少聆緒論豈良會不可期得抑闇沕樸陋之性天欲錮之不使其接蘭言開蓬心也哉恨甚恨甚辱高雅不棄且枉德音庭教之訓督懇懇愛踰肉骨謝謝內召在即晤言有期日遲車音慰我饑渴統祈爲道加愛不盡

柬李翼軒

弟居常謂吾輩離合何常之有雅故不喜作怨別語亦雅不喜聞人作怨別語謂無當於實貌言勝也乃兄之別而去也顧獨眺瞻低回不能去去且數月往矣每一念之未嘗不刺心也兄云情之所鍾正惟我輩嗟乎嗟乎我輩寧能爲石人邪彼此相對聲淚欲下矣此可爲知己誦之難與它人言也人言我輩徒持文墨議論爲名高耳授之政不達非知我輩者也兄素所畜積也有國士之風行矣勉之史卽良史吏卽良吏王侯將相寧由一途出哉況青氈故物終還兄有也弟少時學書不成去學劍又不成今徒空名寄諸君子之下陳恐當失

故步匍匐歸耳故人知兄兄何以磨厲故人也我輩相與別時恨不得見見一言如見故人也如寒暄滿紙吾兄不欲一再展之矣幸教我幸教我涼風漸至視事有期引領西望魂神飛越

答李翼軒

蓋大鵬之息也九萬里而南矣老丈息非六月而翔猶千仞也將俯視弟輩猶啁啾之鳥雀逐腐之鴟鵂邪漸之上九不云乎鴻漸于陸其羽可用爲儀說者曰上九進處高潔能不累於位而人貴而法之弟謂老丈足當此爻之義如弟之業當在遯之二爻矣弟去冬聞先祖之戚卽欲棄官歸哭久念不可擬以今春循病三月之例請給歸而儀庭兄先發矣同年二三兄弟謂不宜一時同請苦口勸沮計入山在旦晚間耳使回附此奉候不盡欲陳

答李翼軒

不佞弟自人南來捷關兀坐門絕賓游蓋懶拙相仍貧病交守勢使然也方擁

敗絮臥床蓐間得老丈書函蹶起讀之潏然汗出霍然病已陳琳之檄愈風孟公之牘競寶走兼得之豈不多幸令弟藻思旣翩風神更秀以今而觀已不出阿奴之下策矣它日其使孟陽却步平原變色可知也東山不起當如蒼生何而令吾徒旅進旅退有覩面目矣有便幸有以督我

答石介峯

接尊教知己榮任凝望鈴閣相距非遙一水盈盈莫遂晤語此情此恨彼此同之矣門下德冠巖廊望隆柱石久擬開府暫借陪京蓋天池之鵬此爲一息阿閣之鳳不日九霄也僞迹同羈鳥老作蠹魚更愧鼠窮終成蚊負門下何以教之

柬緯川馮老師

一僞樸拙無能爲役嚮徼天幸獲操箠箠侍門庭也荏苒踰紀朝夕末繇雖奉教承令罔敢失隊而蘭言日遠蓬心日滋僞竊有私懼矣夫樸櫟誠下品第工

師謨植之當不終蕪落之人便願時時發藥不敏斲盡飲之也承惠嘉錄甚感甚感蜀中文學自其俗重以宗工司盟赤水玄珠亡論照乘矣敬當被服緒言佩之無斃也恭聞都蠻之役爲天子伸威萬里功績甚茂帝心簡在內召有期容俟麻宣敬申芹賀使回肅此奉候伏祈爲宗社加愛

柬于龍洲

不佞之叨役禮闈也則于可遠氏爲我時時譚歷下二生而二生者翹然高舉也不佞不以多二生而多可遠氏能不失士乃不佞有天幸獲於二生中拔其尤者而荐之可遠氏之多不佞猶不佞也不佞自分智不及可遠氏而幸過之矣出闈來首以執事爲問則執事已念其尊人永歸孝哉愛其親而忘其榮進也賢人乎賢人乎非質有其內焉用文之哉不佞竊以多執事更自多也聞令先人望愛子厚矣乃愛子能令老親垂死見賢子登科也而且悲且喜執愛子手長訣化去此非德徵哉自今貽之令不朽于沒世執事事亦執事能也敢以

爲勉讀禮之暇有得無相忘是至愿也外有不腆香帛附致几筵之前幸爲我焚而告之

柬謝方壺

伏讀翰教意重於岱嵩詞綵於綺繡一字一諷恍如攀玉樹之叢而明珠六寸讓其照燭也忭躍何如明公以命世之才辱臨鄙邑豈惟鄙邑實幸之將海濱帥師胥有則焉夫鶴舞於空觀者翹首而甘泉之鼎承潤觀變理宜臧於廟見於帝廷然則此鄙邑也蓋羽儀之始而寶氣之所直也意者卓太傅之密朱司農之桐鄉乎卽明公它日又何能無眷然也不肖自聞先祖之變銜哀抱痛至今臥病未能愈儻得以病請侍教言有期諸卒卒不備

柬徐洪洲

不佞以曩歲之春獲從諸君子游也藻潤瓊敷宜莫如執事乃執事冲而用之或不盈一承顏色竊億其爲德言君子無疑也方擬稍間侍候左右而一二僕

隸報云仙舟南矣姓名之不通緒言之不領則不佞過也敢謝不敏士束髮受書旦夕所幾望者身爲有司用耳執事素所畜積也有國士之風乃裒然舉首不以已就之業輕試當世從此加之膏而光益燁濬之源而流益長千古作用事業此三年不爲無助矣敢拭目以俟

柬黃復翁

不佞德不庇身如王偉元貌不動人如楊執戟幸假鼎力獲濟長途茲抵東昌矣高誼盛德滿載而南河水悠悠感情與之孰深淺也舟中匆卒不盡所陳

柬張蒲源

長江素稱天塹老丈負乘風破浪之具挾橫槊賦詩之才疊鼓凝笳指麾吟嘯怒濤與軍聲角壯彩雲爲雅唱亂流搖撼江山濯磨日月詎不稱壯遊哉而弟跡類羈鳥老作蠹魚寂寂笑人甚哉有覩面目也老丈何以教之

答謝方壺

以一僑所聞文學政事之爲兩科也趙魏滕薛之若兩人也才難不其然乎而
我明公仕學並優左右咸有可不謂異焉則所謂天下才者非耶夫宮鍾也外
應之矣臯鳴也野聞之矣而況刃決於久淬之後雷震於積蟄之餘此我明公
轟動八紘之會而千里不留行之日也敬預爲明公賀曩者歸省之便獲接光
霽蓋非特入中牟而知異且不覺見叔度而自失增章雄偉富麗而登羣玉之
山應接不暇萬鎰不在金百朋不在貨矣敝邑山川無奇得名賢題品之東西
巖頓爾長價顧地謝南滌而人同永叔主有羊祐而客無鄒生願得雄文藏之
名山副在京師毋論一時從遊託以不朽卽此山煙雲野草永借聲光無復銷
歇之期矣

上張濟東老柬

夏間一僑之遣候也倉卒陳詞殊不盡其懇款老師賓朋滿座酬答盈兀乃所
惠教者造次累數百十言不啻踰而讀之一字一諷藹然父子眷顧之情諄然

師生告詔之誼即隔數千里外如望見履綦親承警歎不覺郝之造於前也此後今且數月矣路遠便稀欲復求一言之教不可得竊念人世所稱師生者何限古有不欲強勸之者師以望其弟子有無所言進者弟子以望其師未也則有因弟子知師如何仲弓之於桓春卿者矣有因師知弟子如董江都之於呂步舒者矣望之者非知知之者亦非知也孔子之與七十子者友也或語之上而語下者不以爲隱或謂其可藏而使仕者不以爲卑或獨許之出而不嫌於見其長或不輕於假而不嫌於護其短而比七十子也大者爲師傅卿相小者友教士大夫或隱而不見或分散諸侯摠之明夫子之道而無外慕焉此真知師生者也某生也魯不足步七十子之後塵而老師所誨誘之者曰爲仕爲隱或遠或近惟知此可知之在我者而不必知不可知之在人者蓋吾夫子之道卽吾孔子之道也儻雖不敏請事斯語矣伏惟老師憐其愚瞽以所不及幸甚幸甚